

劉其化北直晉州人由科貢順治三年任

魏士興山西懷仁人由歲貢順治八年任

孫奕燠山西興縣人由歲貢順治十三年任

彙來卷之六

執秩部三

循牧志上

論曰秦漢以來始有郡縣以循吏傳者數千年
數十人而已本朝以來始有官師可考以循
吏傳者數百年今十餘人丞與簿與尉與廣文
不過數人而已馬遷史記秦漢之事則悉孔子
春秋定衰之際則微亦可畏也哉繭絲保障之
說敢以告司牧者

唐以前無攷唐之司牧以賢著者一人

張懷器以成均學生明經擢第俄補麟臺校讐

累官至咸陽縣丞嗣聖間以應舉及第授木縣

令邑人愛之盧照鄰為作去思碑云公名懷器

字志成貝州武城人也天著族地掖開疆家

承孝友之風門襲貂蟬之寵黃軒統寓佐實光

其七賢赤庭握符定封推其三傑故有登仙白

日出花谷而去雲臺盡聖墨池灑芝英而揮靈

葉照心玄鑒辨氣龍泉博望雄圖尋源馬頰龜

組於焉必復衆賢以之無替曾祖和濟深共二

州刺史盧江郡守人傑地靈川徵嶽立朱駱按

部景山之雨逖行軒絳節宣條彥伯之風揚別

府祖創隋荆府法曹雷澤河南二縣令偉度凝

深真規英烈翊彤幃於江漢幽圖長空經墨綬

於河洛鳴桴頓靜父壽唐蒲州司功陽安縣令

澶州司馬幽夜奇光豐年美玉言成物範清畏

人知入晉邑以牽絲綱維十部出劍門而遊習

宰割三巴寫化飛鳧袂滿乎千石履成仙鳥榮

昇於半刺已顯龍旂之譽終馳驥足之名溫德
地揮含章天誕公鳳毛龍種渾金璞玉海鵬南
運天鶴東來波瀾溢萬頃之陂予戟森五兵之
府苟茲明之朗潤上國無雙衛叔實之名流中
朝第一采居太學顯建武之聖童召入府廷號
洛陽之才予牧譙而樹德踐言而發行詳其實
也則大阿百練銛鏐可以斷蛟龍度其材也則
孤松千丈貞枝有以 霜雪靈臺霽凝神府露
融仲舉以為持國之器長輿所謂保家之主乘

惟不怠脫聞其三絕懸帳標奇式光其
林宗之有道僅接後塵許玄度之高情
列金弧寫月碎垂楊於相圃玉塵生風振
於辯門文同春海一萬里之長濤 喻秋
二樓之危巖足使王敦掩扇怯對光芒孟昶
簾敬稱偉美然則巨川括地發洪源於濫觴京
臺極天擎宏規於累土是以平津命社由賓
而創業相國收圖階主吏而闢祚偉哉茂範同
乎前烈起家補成均學生明經擢第戢翼環林

潛鱗曲沼升堂觀興入室推賢據德依仁置三
千於度內排春擯夏吞八九於宵中甲乙登其
高第青紫因其俯拾俄補麟臺讐校既陟龍門
遂遊鱗渚尋香芸握槩蓬山緝孔堂之古文
王商雍之金字才為代用將昇北閣之榮高以
下基爰就南昌之列尋轉會稽縣尉禹穴前臨
秦峯左鎮霜筠耀美典俊節而齊貞鏡水激漪
共清心而比縈秋滿授岐山縣尉寶祠宏敞石
柱高標接天子之離宮是玉畿之劇縣明主切

求賢之義好爵無及中人懷報國之誠遷蜀有屢
應清白舉及第授武功縣尉黃山畔出黑水平
流天文據東井之疆地里控西河之境四方開
塞得百二於秦都千里封畿賸九重於魏闕丁
司馬府君憂去職同許攸之號墓若劉歆之柴
頸風雨降而烈火停隍陽感而震雷息望丘吾
之樹幾切崩心調閔捐之絃方知連禮服闋調
為好時縣主簿橋玄左部有望于台階仇香考
城見稱其鸞鳳稍遷咸陽丞溫舒以文章高節

下屈扶風子桑則丈夫雄飛尚勞京兆屬以明
臺畢構陽館宏開崇五室之規模行四時之政
令肅禮儀于宗祀嚴配克隆展旌賁以旁求明
駁不暇應大禮舉及第孔融之薦祢衡唯稱一
鶚陶丘之舉劉岱即為二龍銓衡量其器宇冰
鏡考其風骨任以尊俗之權興其出宰之謫以
嗣聖元年授公此邑國分韓魏日臨畢昴接虞
人厚蔭之邦是漢帝股肱之郡霍山珠玉動光
輝而射天姑嶺神仙鑿肌膚而輝電趙宣匡其

伯道夏日揚威劉胤泛其安波秋風瞻肅帝克
大舜先聖之都邑衛范狐裘往賢之桑梓郭郭
巖險懷奇秀出地推襟帶官美賢公印綬未
儀衣冠戾止中令率養人之術叙大君憂國之
情憑科條以振詞翰察刑章以動容色寬以濟
猛簡以馭煩狡猾畏之若神明賢良愛之如父
母隼蒲必剪覺竊盜之魂消奸穢咸誅見頑兇
之膽懼斷如耆蔡銳若鋒芒利器有別於盤根
操刃不傷于美錦文史足用古之東方朔人吏

不欺今之西門豹沈訛寢息禮義興行調風則
伏賢潛驅張樂則騰鸞舞異李叔平之廉齊不
侵斗米范武子之文儒唯興學校益誠信者通
神明而感天地仁義者光百行而顯五常立身
行道之所先居家理國之攸重自公之臨此邑
也孝義繁滋矣旌表門閭盈乎數四焉故能棟
宇建輝荆條戎影有隨友道類飛鴈之成行滕
下無違感神魚之並躍信乃如沈印壘石水後
壺既展惠于推轂固懷音于食樵深仁化物其

至矣哉縣東有翔高泉者公之獎勸咸令導引
五鄉之境同沾此潤遂得三春桃花迸出長渠
之口九秋萍葉平緣廣路之脣激溜榮紆分源
溉灌是以奇樹蔚鬱芳畦羅靡紫穗飄香青花
吐色旣符崔瑗通濤致甘雨之謹有類敷袁開
畝洽豐年之頌縣北有感德堂者去縣一十餘
里歷政官寮公能開舉然城郭之內士無繁多
井泉鹹苦泥而不食公憂入是務濟物為心畫
計陳謀喻溪越澗旬有二日克就其功引靈派

于中欄控清瀾于上陌綿歷野馬洗蕩氛埃競
列園亭宛類辟疆之宅爭開池沼渾似安仁之
第故得舊井甘冽新田沃饒止善之利斯為盛
矣有滄陰大道者公之創開也圻岸何別積年
為詰屈之途力役無疲一旦作康莊之路爾其
平如玉索直似朱繩翠柳萬株青楊一道旦使
居人荷惠逍遙遂啓萱之歡遊子經過容與得
底身之樂善誨善誘不弊不勞成不日之深功
合隨時之大義又以箕箒入政食乃為先管陳

七責粟居其要公乘人之利相地之宜課其農
桑遵乎平秩按徐偉之遺事探勝之前書墾
闢荒田五百餘頃春生夏長昨黎輟饑饉之憂
東作西成原隰有京坻之望故能道之以德齊
之以禮君子用心小人盡力豚潤相勞孫之
徽烈尚存牛馬不収伯仲之良規未泯該衆善
備多能處劇務閑居難則易堆案盈几望毫端
而水釋蹈務綢人當電杪而雲散藝優六武兼
揚一縣之名政治清平獨擅三光之表太守廵

部唯知班制而行小吏多閑則以讀書為事陶
淵明之雅韻不虧琴酒劉永國之高風何芳著
述囹圄徒設寧開禁閉之憂鞭朴無施豈見呼
喝之恐東魯聖人入界而稱善西漢明君避席
而相賀是時也觀風俗察政刑辨薰蕕明黜陟
朱衣甄擢賞君山之愛人紫漢揚清喜次孫之
增秋天授二年河北道廉察使右肅政臺副御
史官則其政術可稱清廉無擬奉勅進階旌
德化也公雲柯挺秀天骨含貞量協公卿才包

王佐不干時以求進不詭物以遠名氷霜為潔
已之資溫俗乃修身之業三篋邵其敏一經助
其勤直中保其元古方外忘其冲用乞所謂人
之領袖器之瑚璉今之尚德古之遺愛者焉長
壽年中合縣父老等詣闕舉薦是知終日無倦
馬期之化重身親期月有成韓陵之狀閒仁說
公自下車之日泊留犢之辰弦望循環屢平槐
檀之火威稜振肅素移浮乾之風考課建最英
聲獨遠豈直小黃官屬上書頌子貢之恩武原

士庶下泣戀徊源之德若斯而已矣於是鄉黨
人蒙州閭物望奉千齡之京運鼓腹知歡陶百
里之深慈虛心願竭咸以為幼卿儀檢須勒美
于丹碑元宗德教可圖徽于金死所以仰詢詞
伯懇屬文場思傳皎日之芳謚重購凌雲之逸
氣金聲擲地共推孫綽之才玉樹盈庭咸許謝
安之室彥開詩奉訓雄筆見期王粲公孫實翰
蔡邕之春杜夷高士深懷宋度之思遊蘭仰德
維桑敬止敢陳無媿之詞不讓當仁之美披文

相質寄言筌理採詠歌而頌焉知公乎愛矣紀名堂
簿以賢稱者一人

李洞以給舍郎行主簿事一稟公正人不敢干
以私令重其品邑人咸敬慕之

後唐司牧以賢著者一人

張仲溫長興元年為縣令才識饒敏治行卓異
縣舊治翔高山下風氣雖敦而陰隘不足公為
寨流泉原隰之宜及覺巖阨塞之利徙置王逢
寨曰據隘以守無如此者迄今數百餘年縣治

尚仍其地成不拔之基皆公力也

後周守以賢著者一人

程光遠以大理司直兼監察御史守翼持清介杜賄遺善撫百姓風厲著聞鎮邊使王德都虞侯張進鎮翼常戒其下曰勿犯程公其見嚴憚如此祠名宦

宋之司牧以賢著者四人

陳希古以秘書著作郎知翼事有文學多所振刷百度脩舉邑之風俗迥然一變

陳

字子履政有仁聲初赴翼城歐陽文忠為序送之序云予昔過鄭遇子履於管城其後二歲子履西自馮翊會予於洛陽而去又明年履來遂與鄉進士自河南貢於京師又明年予方解官洛陽以來則子履中甲科為校書郎其冬得翼城於終又明年春西拜其親於洛而後行自鄭之遇及茲行凡六歲而四見之焉其始也純然氣和而貌野再見之則道所學問出其文辭煒然有出於衆人矣又見之則披其藝以

較於群士而以其能勝之今之行也又曰我將
試其為政於絳而且力廣其學當盡落其華而
成其實直取古人之所以尚以聖今之為者其
修己力行之道屢見而屢進進且不已而志愈
大焉孔子曰未見其止孟子曰孰能禦之者歟
夫年少者心銳氣盛者好剛苟有志焉無所不
志也然君子之於臨政也欲果其行必審其志
審而後果不可易而後悔而學者亦在一朝其
所趨而後傳其聞其致思必精其發辯必易待

其足於中而後見於外予友河南富彥國當興
予語於此今彥國在絳而子履往焉又從而辨
之後之復見子履豈特若前之見者乎將有駭
然者矣

文彥博以大理評事知縣事平易近民課農桑
親履阡陌紀綱饒然脩河堤以防民患廣厲學
宮大振士習累官至丞相封潞國公至今邑人
思之猶稱其河亭曰潞公軒祠名宦本傳具宋
史中公嘗有詩題龍門山寶應寺總管庵呈晉

照法師云山人去作山西將岫幌巖金翠嵐
欲問正師求正住憑君改作路公庵又云我有
伊濱墅伊西關塞南中塵過寶刹盡日憩禪庵
松雪籠經閣紗燈照像龕境閑心已寂何必費
清談又偶書三十字呈致政通議云君自山中
來熟見山中事我亦山人素懷歸山志却望
青牛車細問山中計又送秘書劉監歸嵩陽隱
居云昔年實應茅庵主別後炎涼已屢經暫入
城來緣買藥却騎牛云似飄然候山重訪吹簫

伴祕省長厓掛鶴廳一任洛陽人白眼且看三
十六峯青祀名宦
李察以朝奉郎知縣事政平訟簡不喜鉤鉅時
訪民間疾苦惻然軫恤建有阜民廳民皆頌之
向淙以通直郎知縣事疎豁明敏興滯補弊紀
律森然吏民畏愛之嘗開東園雖有樂事而刑
清政簡闔境晏如稱良吏云祠名宦
簿以賢稱者一人

李若谷梓符間為縣主簿縣主簿屬學校士咸愛之

貧民有不能嫁娶者至捐俸餘以給雖政體稍失亦慈母也

金之司牧以賢著者二人

孫九鼎明經及第以尚書員外郎知縣事時多盜賊公多方勦捕之梟其渠魁餘黨解散邑賴以安吳彥高贈以詩有清廟瑟三嘆齊房芝九莖之句其推重如此與茅九疇九億同登第祠名宦

楊時本縣人事載者舊志祠名宦

元之司牧以賢著者三人

楊宜本縣人事載者舊志祠名宦

楊思忠本縣人載者舊志

劉源字巨川以儒吏薦遷充宣慰佐史奏對稱旨授勅牒為西京路經歷至元二十九年遷授將仕郎本縣尹廉能簡靜有蒲鞭之遺風葺學校不勞民力翕然修舉

錢穀使以賢稱者一人

楊權本縣人載者舊志

元帥以賢稱者一人

葉企鵬以統軍元帥行縣尹事撫慰軍民行伍無虐癸之鳴編立絕追呼之擾遠近懷服多遺愛焉

簿以賢稱者二人

楊佑之大德年任縣簿精敏有幹勸農興學後鄉舉賈之美李邦猷等立碑以記功德碑不載沙班敬昇以黎城主簿監翼敦禮儒雅子惠小民尤以風厲為急廣建社學免其徭役翼之子

翼棄卷之六

執秩部三

循政志下

本朝縣令以賢著者

李諒由中書省掾知縣事性雅樸素飲食服御不豐於民持公正凡聽斷悉人情民無怨言時天下初定兵燹之後庶務草創縣治以遠水患除奸宄以靖良善諸壇壝倉鋪多所創立縣之紀綱自此定矣後遷知河南孟州祠名宦

王珪以歲貢任剛柔薰濟威信服人民有以米
豆遺者曰吾赤子也俱受之及犯法不少假借
雖豪惡少年俱化為善去之日爭肩其輿送之
境外侯詰之曰汝某曾受吾箠何乃送耶對曰
小人自受笞以來耻即於惡各事本業家頗饒
益皆父母賜也今聞其去故來送耳至今稱之
曰山東王祠名宦

段應以省元任清介簡易不為繁苛刻求人于
縣門外謂之本伴哥九有訟命里番抱至死者

豐光遠以進士任敦儉崇朴邑舊有代辦他邑
差銀民甚苦之公條於上力為請革遂革代辦
銀五百兩脫民積年負累之患人咸德之歷官
至苑馬火鄉祀名宦

單訥以進士任性介而嗜勤鷄鳴即起庭無
留微每朔望謁先聖畢輒與諸生講授不勸請
蠲邑中代辦差銀五百餘兩民愈便之丞累案
以帑金羨餘私餽之公叱之曰爾貪墨自穢乃
穢我乎吾當為百姓去汝矣會公病篤邑人衆

議劉志賻以木誓不受值感公德也公亦誓不
受木竟以值納之及逝士民流涕罷市立遺愛

碑祠名宦

孫 充以進士任儉約無苟取丁外艱及束裝
去惟敝衣數事而已補涑水縣擢監察御史陞
山東僉事

李 嵩以進士任慈敏多仁政邑有代辦壺閑
萬泉差銀六百餘兩公力請得免擢御史巡按
本省為民興利剔弊時翼遭兵荒捐金賑貸又
題蠲正供入咸頌德歷官湖廣右布政使祀名宦

王胤長以舉人任廉幹愛民息訟勸農更建文
峯科名日盛儲備火器寇莫敢犯至 清順

治六年逆寇圍城猶恃為利陞遼州知州臨岐
邑人為之攀轅卧轍歷官河南兵備殉節

李士淳以進士任學博才長講藝課士寇臨城
下猶不少輟邑之文風自此丕變建有翔山書
院以勵後學調曲沃任滿擢翰林

趙 堪以進士任果毅明敏奸宄肅清詣上台

疑訟多核公勘實建四城角樓歸併里甲申明
蒙馬民立祠祀之

蕭譜元以進士任襄陵署蒙翼城廉靜宜民蒙
馬被誣公力爭之不避嫌怨

李根深以舉人任繁已惠民邑有黃絲寺紛征
大為民累公力為清楚官收官解每歲省民力
萬餘金上台行部館餐供應遞可而止絕不擾
民有尤之者公曰朝廷設官為百姓耳病民要
譽吾不為也陞山東濟南府同知

清賢令

趙昉以進士任慈祥鍊達饒有大畧時東山
祁教倡亂公密請兵征勦殲其渠魁城全民安
胡獻瑄以進士任愷悌正大廉靜不擾禮高年
修學宮繕橋梁計擒逆魁安定國等盜息民安

明縣承賢者

薛大昉以進士任縣丞愛民興學延致元翰林
檢討李炳奎教授生徒陞監察御史累官布政
使按保定志云洪武間有縣丞薛大昉者官至
布政使郡人修志入講求治道科時御史韓春
夜夢一人負甕而來自稱薛某韓公覺知為修
志者所屈敗入人物祠名宦

張琴以歲貢任剛正寡合澹泊自處秩俸之
外毫無所取丞仕翼清者此為第一丁內艱去

官至太京府經歷祀名宦

張鴻以歲貢任廉而有能值白蓮賊燬縣署
移廢寺殿材改建廳廨廊舍覓工助役不勞一
民半載而成又遇歲饑賑救所活甚衆陞羅山
知縣

明主簿賢者

陸鰲以歲貢任貞廉有才幹慈祥不苛丁內
艱去之日士民祖送西郊哭不忍別

明典史賢者

柯綱嘉靖間任修政勤慎不苟取民皆德之

宋虎嘉靖間任有才能謹操履至今稱良慕
云

明學傳以賢稱者

門 鍾弘治間任教人有序翼學禮經是其所

授始也陞昌平知州累官至知府

崔進以監生弘治間任性朴實教人勤講課

不怠至今五十年猶有涕泣以思之者

鄭和以監生正德間任質實不欺耳淡約貧

士饋送無所受陞伴讀

郭安世嘉靖間任質實好學督課諸生若親子

弟恩義韻然去之日諸生涕泣遠送留其履以